



EDITOR:  
Bonaire Communication Services N.V.

Djasabra 18 novèmber 2023 | Preis: \$1.25

# PLAGA DI MUSKA

Alaia ta mucha hopi spièrtu



*Nos a skohe e foto aki pa ilustrá nos promé página di BONERIANO awe. Pakiko nò? E mucha muhé spièrtu aki ta Alaia, yu di Nadia Dabboussi. Nadia ta lanta Alaia ku hopi amor i atenshon, purbando pa hinka den dje tambe amor pa kultura, historia i naturalesa boneriano. Bòi Antoin a saka e foto aki na momentu ku Nadia tabata bayendo kunuku ku su yu muhé stimá Alaia.*

**MANTENE BO  
VEHIKULO OF  
EKIPO DEN  
KONDISHON  
KU PIESANAN  
KUMPRÁ NA NAPA**

**CHANGAN AUTO**

**CS55 PLUS**

[/dabboussimotors](#)

**Live FM 99**

**Partisipashon di Parokia di  
La Birgen di Coromoto**

Djasabra 18 novèmber  
misa pa 6'or atardi na ingles  
i 7.30 anochi

Djadumingu 19 novèmber:  
7'or - 10'or mainta  
Skol Amplio Papa Cornes  
grupo 8A-1A i 6'or atardi

**#1 CARTISH**  
TECHNIQUE BONAIRE

**SUPER COUPON**  
**SAVE \$25.00**  
**ON YOUR TOTAL PURCHASE  
OF \$200 OR MORE**

Must bring coupon to get advertised discount.  
Limit one per customer. Not valid if duplicated.

VALID UNTIL NOV 30TH, 2023

KAYA BONGO #8, NIKBOKO ZUID | 717-8707

**xerox**

**OBERSI  
ELECTRONICS  
BONAIRE**

**\$10 FREE SLOT PLAY**

Sign up for your **FREE Player's Card**  
and receive **\$10 in FREE Slot Play!**

Open Monday - Saturday 8pm to 4am | Sunday 7pm to 3am | (598) 717-3504  
diviflamingocasino.com | ATM available

**DIVI FLAMINGO CASINO**



# Pasa e angua kontra **CORONA** den bario **sin sita**

6 di novèmber te ku 30 di novèmber 2023  
Bai ku bo sédula òf pasaporte

## PA KEN

Tur hende riba 60 aña, hendenan ku un sistema inmunológiko malu, hende muhé na estado.  
Tur hende ku malesa di durashon largu manera:

- ▶ problema ku kurason
- ▶ problema ku pulmon
- ▶ malesa di suku
- ▶ sobrepeso
- ▶ preshon haltu

## DIANAN KU TA PASA ANGUA

📅 Djaluna 09:00-13:00 or

📍 Tera Kòrá - sentro di bario

📅 Djamars 09:00-13:00 or

📍 Nort'i Saliña - sentro di bario

📅 Djárason 09:00-13:00 or

📍 Rincon – plenchi dilanti di Cocari

📅 Djaweps 09:00-13:00 or

📍 Antriòl - Plasa Chicu Goeloe

Nos **TUR** ta  
konektá ku otro

P'esei ta bon pa pasa  
angua kontra corona

Ta pasa angua na kas pa hendenan ku pa motibu di malesa ta na kama, òf tin problema pa bai e sitio pa pasa angua. Pa un sita òf pa pregunta yama 0800 0800 (grátis).

Esaki ta un mensahe di

departamento di Salubridat Públiko

🌐 [www.bonairegov.com](http://www.bonairegov.com)

📞 0800 0800 (grátis)

# PLAGA DI MUSKA

**K R A L E N D I J K -** Últimamente un kantidat grandi di muska ta asotá nos isla. Parse ku no por skapa di e insektonan aki. Tantu na kas komo den negoshinan e molèster di muska ta grandi. Na momentu ku no atendé ku e situashon aki na un manera apropiá, por tin konsekuensianan

fèrfelu pa salú di hende. Muska ta distribuí vírùs, bakteria i fungi. Esaki ta dañá kuminda i ta kousa malesa serka ser humano. Kontaminashon via muska por ta hopi serio.

BONERIANO a haña vários reklamo tokante muska den supermerkadu Warehouse, spesialmente

den besindario di pan. “Hopi fis e kos aki ta, mi sa ku nan no tin falta pero mester hasi algu si”, un siudadano preokupá ta bisa reportero di BONERIANO. Ta importante pa komunidat ta na haltura sí ku e supermerkadu aki ta tuma prekoushon pa eliminá e muskanan. Nos intento pa

drenta den kontakto ku e supermerkadu aki no tabata éksito. Mester menshoná ku basta restorant i toko ta eksperensiá ku molèster di muska.

Ainda no por dedusí di unda e kantidat grandi di muska ta bin. Sí, tin siudadano a konstatá ku e área di Lagun tin mas muska. Esaki ta krea e impreshon ku e plaga di muska ta originá for di Lèntfel. Sinembargo Selibon no ta konfirmá e informashon aki. “Tin oumento di muska henter Boneiru despues di áwaseru, pero debí ku

nos área ta mas atraktivo pa e insektonan aki lo por tin mas serka nos”, departamento di Lèntfel ta duna di konosé.

Segun nos fuente ligá na Selibon, e yobida di áwaseru ta opstakulisá trabounan di tapa shushi na Lèntfel. “E trùk i loader ta keda pegá den lodo. Mester warda kada bia pa bira seku i esaki ta stanka e trabou”, nos fuente ta splika.

Selibon no ta konfirmá e informashon aki. “Trabou di tapa shushi ta realisá tur dia manera semper”, nan ta enfatisá.

## Programanan di Bonaire.tv

TELBO kanal 70  
Flamingo TV kanal 23

### Djasabra 18 novèmber 2023

12.00 Herensia Aruba:	Juan Policiano de Palm (Poli)
13.00 Aki Boneiru:	Konsierto Sklabitut Hòfi Kultural
14.00 Herensia:	Silvio Maximino (Chibu)
	Domacassé
15.00 BAPA:	Raphael Benito Rodriquez 1
16.00 Herensia Korsou:	Aminta Sprockel
17.00 Aki Boneiru:	Garrick Marchena
18.00 Herensia:	Elin Ricardo (Cai) Winklaar
19.00 BAPA:	Albertson Dorothea i Winfred Dania
20.00 Aktualidat:	Rogen Pineda
21.00 Aki SXM:	Duo Velasquez and Friend
22.00 Herensia Korsou:	Dominico Felipe Martina (Don Martina)
23.00 BAPA:	Vincent Morris

### Djadumingu 19 novèmber 2023

12.00 Programa:	Apel di Oro Episodio 12
13.00 Aki Boneirul:	Lan Statie
15.30 Puerto Latino:	Luis Zárraga
16.00 Herensia Aruba:	Juan Policiano de Palm (Poli)
17.00 Aki Boneiru:	Konsierto Hòfi Kultural
18.00 Herensia:	Silvio Maximino (Chibu)
	Domacassé
19.00 BAPA:	Raphael Benito Rodriquez 1
20.00 Herensia Korsou:	Aminta Sprockel
21.00 Aki Boneiru:	Garrick Marchena
22.00 Herensia:	Elin Ricardo (Cai) Winklaar
23.00 BAPA:	APA Albertson Dorothea i Winfred Dania

Tur mèrdia 12’or ta kuminsá un programashon nobo di 4 ora.

E programashon aki ta ripití pa 24:00.



## NO MENOSPRESIÁ E REGALO DI DIOS

“I no tin salbashon den ningun otro; pasobra no tin bou di shelu ningun otro nòmber ku a wòrdu duná na hende, pa medio di kual nos mester wòrdu salbá.”  
Echonan 4:12(BS)

Un anékdota ta konta, kon un yu a pidi su tata un outo regalo ora e slag. E yu a slag pa un nivel hopi haltu i mester bai kontinuá su estudio na un otro stat. Su tata a regal’é un Beibel.

E yu a rabia mashá, pasobra ta un outo el a pidi. El a kohe e Beibel i a ward’é leu, e no a ni habrié. Añanan a pasa, e yu tabata mashá rabia ku su tata, e no a bai ni bishit’é mas.

E tata a bin fayesé, ku duele e yu ta prepará pa bai dera su tata. E ta kòrda riba e Beibel i ta busk’é pa wak si e tata por a skirbi un nota bunita ku e lo keda kuné komo rekuerdo. E ta habri e Beibel, un ènvelòp ta kai. E ta habri e ènvelòp; ta un chèk ku e suma korekto pa e por a kumpra su outo añanan pasá.

Ki un duele a dreña su kurason. El a menospresia e regalo di su tata. Ku lágrimanan e ta lamentá ku e no por pidi e tata pordon, tampoko yam’é danki. Hopi hende lo yora lat ta malai, na momento ku despues di morto nan realisá ku nan a pèrdè e regalo di Bida Eterno ku Kristu ta ofresé. Di kon? Pasobra riba mundu nan a rechasá e regalo presioso ku Dios a duna nos, Kende ta Señor Hesus ku a bin pa salba nos for di e kastigu eterno.

Awe ta e dia di Salbashon!

Bo ke sa mas? E-mail nos na: [grasia.miserikordia@gmail.com](mailto:grasia.miserikordia@gmail.com)

Miralda Paula-Frans  
Produksion PGM



# BONHATA positivo tokante proyekto piloto pèrmit di trabou

KRALENDIJK -- den sektor turístiko. E proyekto piloto pa un prosedura aselera pa pèrmit di trabou na Boneiru, a risibí evaluashon positivo di tantu Bonaire Hotel and Tourism Association (BONHATA), komo di e empresanan partisipante Boneiru konosé un

den sektor turístiko. For di e inisio dia 1 di yùli a mira mehorashon signifkante den tempu di prosesamentu di petishon di pèrmit, loke a kontribuí na satisfakshon serka dunadónan di trabou, empleadonan i Gobièrnu.

Boneiru konosé un

merkado laboral pèrtá. Pa e motibu akí tin ora ta nesesario pa trese hende Boneiru pa traha. Den e kasonan akí un pèrmit di trabou ta un eksigensia di gobièrnu pa hasi e trabou. Pa tantu dunadó di trabou, empleado komo Gobièrnu, e prosedura akí tabata kousa hopi malkontentu debí na e término di prosesamentu.

Pa e motibu akí, entrante 1 di yùli 2023 a hasi palabrashon pa kuminsá ku un proyekto piloto, den kua entre otro BONHATA ta bini ku dunadónan di trabou pa hasi e proyekto piloto akí un éksito. Finalmente 12 empresa for di sektor di enseñansa, kuido i turismo, ta partisipá na e proyekto piloto.

E metanan pa e proyekto piloto ta realisá un tempu di prosesamentu pa pèrmit ku ta konsiderablemente mas kòrtiku, determiná pa medio di prueba sí a entregá e petishonnan korektamente, desaroyá kriterio pa un aplikashon mas amplio den kaso di otorgamentu di pèrmit.

Despues di tres luna, na luna di òktober, a tuma lugá un evaluashon

konhunto di e proyekto piloto, for di kua resultadonan positivo a bini dilanti. Den e promé lunanan di aña 2024 ta bai wak mas detayadamente kiko ta e mihó kontinuashon pa e iniciativa akí.

Promé ku inisio di e proyekto piloto, e dunadónan di trabou representá pa Bonaire Business Federation (BFB) i Kámara di Komèrsio, huntu ku Servisio di Imigrashon i Naturalisashon, IND, Plenchi di Trabou i Asuntunan Sosial i Empleo, SZW, a eksplorá kon por mehorá e prosedura mas aleu.

Banda di adaptashonnan riba tereno di maneho, separashon adelantá di esnan ku ta hasi petishon ku bon intenshon for di otronan ku ta hasi petishon ku intenshon potensialmente malu, ta di gran importansia pa redusí e tempu di prosesamentu. Empresanan i institutonan ku ta buskando partikularmente personal ku formashon mas haltu, entre otro sektor médiko i enseñansa, tin un profil di riesgo mas abou.

Tambe miembresia di un asosiasion empresarial manera BONHATA, ta un faktor ku ta redusí riesgo. Esaki ta konta tambe na momentu ku tin un sistema di sertifikashon aplikabel riba un ramo di empresa, manera por ehèmpel den sektor di buseo.

A palabrá ku e dunadónan di trabou partisipante ku ta entregá e petishonnan pa pèrmit di trabou den un forma kompleto. Sí ainda falta dokumentu, no por realisá e término di prosesamentu kòrtiku. Esun ku ta entregá e petishon ta responsabel pa e dokumentashon ta korekto i e mes ta kontrolá esaki. Sigur den kaso di diploma esaki ta na vigor. Sí ta deseá esaki, por pidi asistensia serka IND òf SZW.

E evaluashon positivo di e proyekto piloto ta enfatisá e esfuersonan konhunto di tur e partidonan enbolbí pa mehorá e prosedura di pèrmit di trabou na Boneiru i hasi esaki mas efisiente, den nan aspirashon pa yega na un merkado laboral mas efektivu na nos isla.

## Partisipashon Seramentu di kaya



Ta sera e siguiente kayanan temporalmente pa tráfiko motorisá riba **18 di novèmber 2023** entre **04.00 or** pa **05.30 or**, debí na e **trabounan di vèrf zebepad** riba kaya:

**Bulevar Gobernador N. Debrot:** na altura di MCB - Hato

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será komo kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo komprehension.



## REUNION KOMISHON FIHO (B&O)

Djars 21 di novèmber 2023 pa 16:00 or ta tuma lugá un reunion di komishon fiho di Maneho i Sostèn (B&O) den sala di reunion di Konseho Insular na Passangrahan.

### Agènda

1. Apertura / partisipashon;
2. Oportunidat pa siudadano hiba palabra;
3. Dokumentunan ku a drenta;
4. Stipulashon di agènda;
5. Stipulashon di relato kòrtiku i lista di desishon di 24 di òktober 2023;
6. Presentashon di mr. dr. A.T.C. Nicolaas i sr. J.R. Richards enkuanto e proposishon 'Ordenansa Inisiativa di Siudadano';
7. Presentashon di Ofisina di Akountent Comitatu B.V. enkuanto prolongashon di akuerdo;
8. *Parti sin públiko i prensa:* Presentashon di RIEC enkuanto aserkamentu di kriminalidat ku ta mina;
9. Klousura.

Ta invitá Kolegio Ehekutivo.

Ta publiká e konvokashon akí riba e parti públiko di e sistema di informashon di Konseho Insular ([www.konsehoinsular.com](http://www.konsehoinsular.com)). Te asina leu ku ta aplikabel, e dokumentonan konserní manera kustumber ta na Grefi na disposishon. Ta transmití e reunion akí live riba TV, e página di i Youtube i e website di Konseho Insular.

**R. Groenman**

Presidente Komishon B&O

**Pa info i komunikado den Extra/BONERIANO**

**Redakshon:** [extrabon@gmail.com](mailto:extrabon@gmail.com)

**Aviso mail:** [avisobon@gmail.com](mailto:avisobon@gmail.com)







## NILO Trankilo

# Invierno feros di 1985

Awe Nilo Trankilo ta bai un poko den friu ku abo lesadó. Mi ta bai hiba bo den e invierno bon friu di 1985 na Hulanda. Pokopoko nos ta kana i yegando e luna di desèmber, e temporada di friu i di invierno.

Na 1985 ku Nilo Trankilo a bai studia ekonomia aya na Dordrecht, durante e luna di yanüari i febrüari 1985 e temperatura a baha bou di sero grado i a bira un kos insorportabel, manera por mira den e tabèl athuntu.

Bo por imaginá bo temperatura di entre 15-25 grado bou di sero pa dlanan largu. I bo tin bai skol den dje.

Temperatura ku tabata pone ku te asta e awa den e pòchi di WC den kas tabata bira eis. Ora di bai tualèt mester a bai ku awa kayente pa basha promé den e pòchi i lòs e eis, sino e mener grandinan no ta bai niun kaminda.

Tambe e dlanan ei tur e 'gracht'-nan tabata fris. Te asta Ijsselmeer

a fris e tempu ei.

E aña ei despues di 22 aña Hulanda por a organisá atrobe un Elfstedentocht, e number 13 i esaki a start riba e fecha 21 febrüari 1985 pa 5'or di mardugá.

Durante e Elfstedentocht di 1985 ei a start 277 koredó di skats na Friesland i manera e nòmber mes ta bisa, nan ta skats pasa 11 suidat. E distansia ta di 199 kilometer ku e koredónan tin ku skats. Ta kos pa hende loko, bo'n ta haña?

E aña 1985 ei a resultá komo ganadó Evert van Benthem ku un tempu di 6 ora 46 minüt i 47 sekònde.

Nos komo estudiante tambe ta bai schaats riba 'gracht'-nan ei, pero nos ta kome ei (no eiskrim) mas tantu ku skats, ya ku ki ora ku bo kier nos a bai suela.

Awor e makabanan a purba siña nos bisando ku ora bo ta bai kai, pa benta bo kurpa dilanti i bo no ta kai.

Den un di e biahanan ei Nilo Trankilo tabata pur-

ba pa no kai i a kuminsá drai mi brasan asina duru pa mi por benta e kurpa dilanti pa mi no kai. Mira e potrèt.

Un makamba ta yega para mi dilanti i den tur mi ansha pa no kai ta puntra mi: "Wat denk je dat je bent jongeman, een windmolen?" E ora ei sí mesora Nilo Trankilo a bai tera abou, bógòrò mane patia bèrdè.

Awor ku tur e friu ei mester a bai skol sí. Awèl Nilo Trankilo tabatin un shal di 2 meternan ei i mi ta lor'é i lor'é ront di garganta i kabes i ta keda mane un 'mummy'.

Djei ta bisti hanskun i bon paketá ta subi riba mi mobilèt, esta un skuter, pa bai skol.

Awor entre e skol di HTS Dordrecht i e kas kaminda Nilo Trankilo ta biba, tin manera un 11 lus di tráfiko. Pa Nilo Trankilo su di malu ki ora ku e yega na un di e lusnan di tráfiko ku e lus ta na kòrá.

Awèl Nilo Trankilo ta wak na robes i despues na drechi ku outo no ta

bin i ta pasa den kòrá i sigui kore, ya ku ta hasi hopi friu. Asina mi a pasa den 11 lus di tráfiko na kòrá te mi a yega skol i bai para mi skuter den kèlder bou di e skol.

Awor tur e oranan ku mi ta pasa den e lusnan kòrá ei tabatin un Shon Polis ta kore tras di Nilo Trankilo pa wak ki plan e tin.

Awèl, manera ku mi a kana sali di e kèlder bou di e skol, mi a haña Shon Polis pará man krusá ta wardami.

Shon Polis di ku Nilo Trankilo: "Kom hier jongeman, weet je niet dat bij een rode licht moet stoppen?"

Nilo Trankilo a korda mesora riba e piesa di Rudy Plaate i a kontestá masha desente: "Ja Meneer, ik weet het."

Awó Shon Polis ta puntra: "Maar waarom ben je dan niet gestopt."


Atrobe masha desente Nilo Trankilo ta kontestá: "Meneer, U (anto mi a bis'é 'U' ku lèter kapital tambe), moet begrijpen dat op Bonaire waar ik vandaan kom is het +30 graden en hier is het -25 graden. Als ik stop dan vries ik dood."

E Shon Polis mes kier a hari, pero a keda serio. Shon Polis di ku Nilo Trankilo: "Voor deze keer laat ik je gaan, maar voor een volgende keer dan geef ik je een boete voor elk van die stop-lichten dat je doorheen ben gegaan. Is het duidelijk?"

"Nilo Trankilo atrobe masha desente i poko spantá ta kontesta: "Dank je wel Meneer" i den mi so mi di "Mi a skapa".

Uso di e 'Meneer' a skapa Nilo Trankilo e bi-aha ei.

Temperatuur, Nederland, Winter 1985



wintergek.nl (bron data: KNMI)





# Di hòbi pa kunukero profeshonal

**KRALENDIJK** — Eric Curiel ta e promé persona ku a risibí e fiansa di agrikultura. El a nase na kunuku di su wela na Kòrsou, kende tabatin mas di dos mil kabritu. E wela a laga e trabou pe, esaki di akuerdo ku un publikashon di e revista di Gabinete di Gezaghheber, Bon Biní Boneiru.

Curiel: “Despues tempu ku mi tabata biba riba mi mes, tambe mi a kria kabritu di karné. Mi tabatin un 300 asina, komo hòbi. Despues ku mi a drecha e mundu di konstrukshon i tabatin ménos tempu, mi a bendé ku mi ruman.”

Kuater aña pasá Curiel a muda pa Boneiru. “Mi a kuminsá di nobo ku kriamentu di kabritu komo hòbi. Mi tabata traha na Mental Health Caribbean i tabata na punto di baha ku penshun. Mi tabatin entretantu mas di 100 kabritu i karné i a pensa, kisas mi mester hasi di mi hòbi mi trabou.”

## Plan di negoshi

“Primeramente mi a eksplorá e posibilidatnan. Tin hopi demanda pa karni di kabritu, pero esaki no ta optenibel semper. Ya mi a kuminsá ta krusa mi kabritunan kriojo ku chubatu di e rasa Boer ku LVV a trese pa mehorá kalidat di karni di kabritu.”

Curiel a konta e manager di proyekto di LVV, Maurice Adriaens, tokante su deseo pa profeshonalisá. “El a bisá mi ku e tin un sitio riba tereno di LVV pa mi, pero mi mester traha un plan di negoshi promé. Via e seshon di asuntunan ekonómiko, mi a haña un coach ku a yudá mi ku esaki. Mi a regresá ku mi plan di negoshi i a haña aprobashon.”

## Reakshon entusiasma

“For di tur banda mi a haña reakshon entusiasma. E trahadó di e seshon di asuntunan ekonómiko kende a yudá mi asina bon, ta tambe coach na Qredits. E tabata sa kon ta trahando riba e introdukshon di fiansa pa agrikultura pa



Eric Curiel ku su kasá Lucy.

kunukeronan ku ke bira profeshonal. Mi a entregá mi petishon ku tabata asina ambisioso ku Hulanda tambe a mir’é. Pero finalmente a aprob’é.”

Curiel a establese su mes bou di e nòmber di empresa Queen Clarita, asina su wela tabata yama, Quality Food Products E.Z., riba tereno di LVV. Despues di algun trabou mas, e stal ta kla. Awor tin 45 chubatu, sí nan ke, nan por sali pafó. Asina ku e renobashon di e matadero ta kla, mi por kuminsá ku e produkshon di karni.”

## Salú

Un empresa ya a mostra interes pa tuma karni riba eskala grandi. “Pero mi ta bai bende tambe ku partikular. Mi ta pensa pa prepará e karni di kabritu pa asina nan por bin kumpra, pero tambe por kome na e sitio mes. Promé ku mi kuminsá ku esaki, ainda mi mester pidi pèrmit.”

“Ta mata e chubatanan momentu ku nan ta entre 8 luna i un aña. E ora ei

e karni ta hopi moli. Bo por traha un dushi stobá di kabritu. Hendenan por haña reseta for di mi, pero mi no ta duna tur mi preis sekreto. Esei Kentucky Fried Chicken tampoko ta hasi. A propósito bo sa ku karni di kabritu ta mas salú ku karni di baka.”

## Eksportá

“Mi tin asina tantu idea, finalmente mi ke tambe bai eksportá pa e otro islanan. Mi ta mira posibilidat pa duna e kuerunan un destinashon útil. Na Colombia ta usa nan pa traha instrumento musikal. Pero e ora ei sí mi mester haña un hende ku mesora despues di matamentu hasi e kueru limpi i lag’é seka.”

Na e momentu akí tin 37 kabritu dek. “E ta un proseso kontinuo, despues di dos luna mi ta kita e lamchinan for di nan mama. E ora ei nan por dek di nobo atrobe. Asina e transporte di karni ta keda stabil.”

“Sí e ta duele, mi no ta haña, mi ta sòru bon pa nan. Nan no mester

buska kuminda i awa den mondi, esaki nan ta haña diariamente fresku serka mi. I mi ta tene na kuenta si, si algu pasa nan. Regularmente tin un dòkter di bestia ta pasa.”

## Sitio di stazje

“E ta hopi intensivo, mitar di seis di mainta ya por haña mi serka mi kabritunan. I na momentu ku nan ta bai haña yu, tambe mi mester ta serka. Tin biá ta nesesario pa yuda, mi no a siña pa esaki, pero tin suficiente eksperensia. Te na e momentu akí mi ta hasi tur kos mi so, pero pokopoko e ta kuminsá bira muchu hopi. Mi mester buska yudansa, gustosamente mi ke bai ku fakansi.”

Curiel tin ainda un otro vishon: “Mi ke motivá hóbennan pa bai traha den agrikultura i hortikultura. Mi ta bai ofresé sitio di stazje pa asina nan por siña e materia serka mi proyekto. Mi por laga nan mira ku kriamentu di kabritu i karné por gana un bon pan. E ta trabou duru, pero sí bunita.”

Dos lamchi ku a kaba di nase a skapa kaminda pa Matadero. “Nan mama a nenga nan, mi mes ta duna nan bòter. E unu ta koló brùin i mi a dun’é e nòmber Bruintje. E otro a nase ku un pia mankaron i debí na su hèndikèp e yama Mankayon. Nò, nan no ta bai Matadero. Nan ta konta serka e famia.”

## Partisipashon

### Trabounan di rekonstrukshon



Ta bai drecha e kayanan. Asina bo por kore den futuro riba kaminda ku ta mihó. Pa e motibu akí ta sera e siguiente kayanan temporalmente desde **20 di novèmber 2023 te ku 24 di novèmber 2023 entre 07.00 or pa 15.00 or** pa tráfiko motorisá:

**Krusada Kaya Isla Riba/ Kaya Jan N.E. (Kachi) Craane:** di Kaya Bonaire te ku Plasa Machi Mimi

Ta indiká e rutan di desviashon pa medio di bòrchi. E kaya ta será pa tráfiko motorisá for di Kaya Bonaire, ku eksepsion pa ora di buska i baha karga, te na e krusada di Kaya Isla Riba na Plasa Machi Mimi. Por kore bai Terramar via Kaya Grandi.

Diskulpa pa e inkumbiniensia i danki pa bo kompreshon.



E stal riba tereno di LVV ku ta kasi kla.



# Kolekshon di foto interesante pa FuHiKuBo

**KRALENDIJK** — tabata resientemente na Fundashon Históriko Kultural Boneriano (FuHiKuBo) a risibí un kolekshon di foto di formato grandi ku ta ilustrá konstrukshon di ‘Toeristenweg’ na kosta pabou di Boneiru, krusa via Gotomeer i bai Rincon. E kaminda pa i riba Seru Largu tambe a kai den e proyekto aki.

Aruba pa graba Herensia i partisipá na ‘Siman di Buki pa Mucha’ ku Editha Martis, boneriano bibá hopi aña na Aruba, a hasi entrega di e 15 fotonan aki na Bòl Antoin di FuHiKuBo.

E fotonan ta duna un bista di kon konstrukshon di kaminda di asfalt aki a kana. E fotógrafo a saka foto na diferente parti di e karetera den konstrukshon.



## Partisipashon Seramentu di kaya



Ta sera e siguiente kayanan temporalmente pa tráfiko motorisá riba **18 di novèmber 2023** entre **04.00 or pa 05.30 or**, debí na e **trabounan di vèrf zebread** riba kaya:

**Kaya Amsterdam:** na altura di skol básiko De Pelikaan

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será komoambio di ruta. Ta indiká esaki ku bòrchi diambio di ruta.

Diskulpa pa e inkumbiniensia i danki pa bo kompreshon.



## OPTENIBEL NA

Kuranderia popular



Natural i spiritual

Un proyekto di Unesco i FuHiKuBo

Ofisina di  
FuHiKuBo

Ofisina di Extra

Del Mar BV

\$17,50





# Isla misterioso (8)

Outor Alfons Gabriel

Tradusí i adaptá pa Udo Lüsse i Bòi Antoin

## La Rosita

Ku mashá difikultat nos tabata nabegá bai den direkshon nort, bringando kontra un bientu kontrali fuerte. Durante anochi olanan tabata dal i awa tabata pasa riba e boto. Nos tabata tapá bou di klechi, pero no opstante esaki despues di poko ratu nos tabata papa muhá.

Ora ku dia a habri nos a kuminsá mira e isla Toas. Na e parti wèst nos por a mira e liña di kosta den e área di La Rosita. Desayuno tabata kla, konsistiendo di banana hasá, keshi i kòfi pretu. E tripulantenan a rèk un pida bela riba dèk dje boto, pa asina duna un tiki protekshon kontra e kayente kresiente di solo.

Mèrdia diesdos'or nos a alkansá boka di Rio Limon. Ámbos kantu di e riu ta kubrí pa palu di mangel. Esaki ta e kuminsamentu di un trayekto ku ta kon-

duzí pa interior, atrabes di Sinamaica.

Nos ta subi Rio Limon. De bes en kuan do nos ta mira algun rancho i nan habitan tenan sunú. Anochi nos ta alkansá e lagun di Sinamaica. Nos ta sigui rumbo pa masomé nos 70 rancho trahá den awa, yamá Boca del Cano. Nos ta pasa anochi den hamaka den un rancho tur deka. Hende i animal ta riba otro den un kamber chikitu, miéntras ku bou di e flur awa di e riu ta pasa.

## Biahe ta sigui

E siguiente mainta tin un hende kla pa hiba nos ku boto di rema dor di e richinan di Cano del Garabuy, un riu no mashá hundu ku ta bini for di nort pa dreña e lagun di Sinamaica. Na e sitio kaminda e riu aki ta bira mas seku nos ta subi na tera.

Tur kos ta parse seku i kimá. Palunan di kuku i otro mata ta rèk nan brasanan den

aire. Sierto matanan ta produsí un aroma agradabel. Drùifi di laman, yamá den e region ei "uva de playa", ta krese na kantidat grandi. Mas patras nos por mira algun saliña. Esaki ta e region di Goajira.

E komportashon di e Goajironan aki ta ekspresá rechaso. Nan ta wak nos ku un bista di deskonfiansa. Nan a traha nan ranchonan riba staka tres pia haltu. Den e sombra bou di nan bibánan por mira galiña, porko i kachó ta kana rònt. Un trapi smal di palu ta kondusi na e úniko kamber di kua e rancho ta konsistí.

Generalmente e ta bashi. Solamente tin algun mata. E pertenensianan simpel ta wardá den nèt kologá na muraya. Durante dia bo ta mira mayoria biá hende muhé den e kasnan aki. Nan tin paña hanchu bisti. Nan nani-shi, banda di kara i lep djariba ta pintá blanku, maron, kòrá òf pretu.

Pa Alfons Gabriel Boneiru tabata un isla misterioso. Un isla ku a fasin'é durante e periodo ku el a traha komo dòkter riba e isla aki meimei di añanan binti di siglo pasá. Archivo di foto i dokumento di Alfons Gabriel ta wardá serka Fundashon Históriko Boneriano – FuHi-KuBo. For di su archivo di foto i tambe un buki ku el a skirbi, titulá Tschogogo, nos ta publiká e seri aki riba djasabra.

Nan kabei largu nan ta bisti lorá vários pretu ta lorá na altura bes rònt di nan gargandi nan garganta. Nan ta òf man. gusta kralchi di glas, ku





Muhé Goajiro remando boto den riu.

## MONCHI & TONCHI

Ayera nos bisiñanan di WEB tabatin selebrashon grandi.

Awèl sí. Ayera no ta awa, sino serbes a kore na òrdu



## KOLOFÓN

Editor: Bonaire Communication Services N.V.  
Kaya Irlanda 12,  
Tel. 717-8482  
Redakshon: [extrabon@gmail.com](mailto:extrabon@gmail.com)  
aviso: [avisobon@gmail.com](mailto:avisobon@gmail.com)  
Wèpsait: [www.extraboneiru.com](http://www.extraboneiru.com)  
Facebook: Extra Boneiru

**Direktor**  
Shirley Martis  
785-3824  
796-3824

**Hefe di redakshon**  
Nathaly  
Evertsz-Ipcendencia

**Redakshon**  
Papi Antoin  
Edson Pietersz  
Ibi Piar (deporte)

**Partner na Aruba**  
Awe Mainta  
**Partner na Kòrsou**  
Extra  
**Partner na Boneiru**  
Live99

**Layout**  
Maya Beaumont

**Konsehero:**  
Bòi Antoin  
786-6818

**Aviso**  
[avisobon@gmail.com](mailto:avisobon@gmail.com)



*Kreando historia*

## Nashonnan Uní, CARICOM i COPPPAL na kaminda pa Boneiru

**KRALENDIJK** -- Bonaire Human Rights i Movementu pa Kambio i Pueblo Progresivo Uní, ta organisá un konferensia internashonal titulá ‘Kolonialismo kontemporáneo i reparashon den Karibe’.

E simposio ta tuma lugá di 30 di novèmber pa 3 di desèmber, ku entre otro siguiente partisipantenan

Dr. Carlyle Corbin, eksperto di Nashonnan Uní, Dr. Eric Phillips, Vise Presidente di Komishon di Reparashon di CARICOM, Joe Koolman, Presidente di Komishon di Dekolonisashon di COPPPAL i otro representantenan i partisipantenan invitá di Boneiru, Kòrsou, Aruba, San Andres / Providencia, Puerto Rico, Guyana

Franses, Islanan Vírgen di Estadonan Uní, Islanan Vírgen Britániko, Anguilla, Bermuda, Sint Eustatius, Saba, Sint Maarten Hulandes, Sint Maarten Franses, México, Bolivia, Perú, Panamá, Belize, Honduras i otro paisnan.

E esfuerso ta pa uni pueblonan ku antesedente similar i ophetivo komun di reparashon,

outodeterminashon i dekolonisashon den Karibe i Sur Amérika.

E ophetivo di e konferensia ta pa reuni lidernan, aktivistanan, profesionalnan, spesialistanan i ekspertonan di diferente orígen, pa fasilítá komunikashon i promové edukashon tokante e opshonnan di status di kompletu igualdat polítiko, medida kompletu di propio gobernashon, dekolonisashon i reparashon. E propósito di e konferensia ta pa avansá komprendementu di e proseso i progreso di evolushon di e status

polítiko di paisnan i teritorionan sin propio gobernashon den Karibe i Sur Amérika.

E konferensia di 4 dia ta inklui un tayer i debate polítiko pa hóbennan, diskushon di nivel haltu riba e tópiko di dekolonisashon i reparashon, apertura di un ofisina regional di COPPPAL den koperashon ku Bonaire Human Rights i e anunsio di James Finies su siguiente paso.

Personanan lokal tambe ta kordialmente invitá na e simposio importante akí. Por registrá via: +599-786-4576 (telefòn/WhatsApp).



## Sùrnan a topa

**KRALENDIJK** -- Djabièrnè tabata un dia tremendo momentu ku sùrnan a topa otro. Promé nan a topa na kapèl durante santu sakrifisio di misa i despues na Kas di Kuido Boneiru di Fundashon

Mariadal, un mainta huntu ku Sùr Swinda. Kas di Kuido ke a tira lus riba Sùr Crispina, kende a bini di Kòrsou, huntu ku e otro sùrnan pa bishitá Kas di Kuido. Sùr Crispina ta un sùr hopi apresiá na Boneiru.

Tur hende ke salud’é i ta apresiá e amor akí.

Kas di Kuido ta spera ku tur e sùrnan tin un estadia plasentero akí na Boneiru.

Un abraso pa kada un di e sùrnan.





# Torneo dominó Grasioso Uní

**KRALENDIJK** -- -Dia 12 novèmber Komishon Grupo 60 Plùs Grasioso Uní Nikiboko, a organisá un torneo di dominó na honor di nan fundadó Thelma de Palm na felis memoria, na Sentro di Bario Nikiboko.

Tabata un djadumingu tremendo i eksitoso pa tur e gruponan 60 plùs partisipante ku tabata Flor di Orkidia, Akseso, Akseso 2, Gosa ban Gosa,

Rekresaroyo i naturalmente Grupo Grasioso Uní Nikiboko.

Na final e ganadónan a resultá Grupo Rekresaroyo komo kampion, Grupo Grasioso Uní Nikiboko sup kampion, Flor di Orkidia na di 3 lugá i Akseso 2 na di 4 lugá. Bario mas disipliná a resultá Akseso.

Mas sapatu pasá ta Pacheko Rafhaela i Nazir Margarita. Premionan a






bai pa lès di kòmputer pa Maria Luisa Antonie, TV 43” pa Gerald Ellis, rice cooker i stul di bich pa Mamita Thomas i Aksebo.

Rèfrinan tabata Edwina Raphaela, Pedro Beukenboom i Jan Emerenciana, miéntras maestro di seremonia tabata

Jacky Janga.

Direktiva di Grasio Uní Nikiboko ta gradisí tur hende i instansia ku a pone nan oranan disponibel. Pabien na e kampionnan i danki na Foyan Boyz ku a entretené ku nan kantikanan.





# Kantidat rèkòrt di boluntario

**KRALENDIJK** – E aña aki un kantidat rèkòrt di hende a partisipá na e dia internashonal di lesa pa mucha. Na total mas di 130 persona a partisipá djaweps mainta durante mei ora pa mucha na e aktividat aki.

Trahadónan di empresa i gobièrnu i hopi partikular a tuma molèster pa skohe un buki for di kua nan a lesa durante e mainta. Nan a bini skol ku nan buki i a lesa durante 30 minüt pa e muchanan. E aña aki tambe un grupo di studiante di

MBO a tuma parti. Dor di e kantidat haltu di boluntario tabatin e posibilidat pa, banda di tur e skolnan básiko, lesa tambe na otro sitionan, manera na Cocari, pa lesa buki pa adultonan mayor. Tambe na FKPD, tantu na Playa komo Rincon, a lesa pa muchanan ku un limitashon. A apresia esaki hopi. Stichting Lezen en Schrijven ta gradisí tur hende ku a partisipá den e aktividat di djaweps mainta. Nan ta spera ku esaki lo sirbi komo ehèmpel.



Popularidat ta relativo  
P'esei un propio estilo  
No solamente pa ta eksitoso  
Sino sigur mas balioso

**BròKèS 93.5 FM**

*pokopoko pero sigur mas i mas hende ta ...*



*Skuch'è*

Telefon/ WhatsApp +599 701 0935

[www.radio935bonaire.com](http://www.radio935bonaire.com)

**Tene nos playanan limpi**



**èxtra**  
...number 1

[www.extraboneiru.com](http://www.extraboneiru.com)



**Pronóstiko di  
tempu pa Boneiru**

Djabièrnè 17 te Djasabra 18 Novèmber 2023

Okashonalmente nublá i chèns pa un áwaseru (ku mal tempu)

Ta okashonalmente nublá i partikularmente djasa-  
bra mainta tin chèns pa un áwaseru, posiblemente  
ku mal tempu. E temperatura máksimo lo ta aproksi-  
madamente 32°C, e temperatura mínimo mas o mén-  
nos 28°C. E bientu for di ost ta moderá te basta  
fuerte, 4-5 Bft.

Altura di ola: aproksimadamente 2.0 m (5-7 pia).

\* Altura di ola válido pa laman grandi



# Papa: Klerikalismo ta un forma di mundanidat ku ta dañá e pueblo fiel di Dios

E Santu Tata a partisipá den e 18 Kongregashon General di Asamblea sinodal, den su intervension a señalá ku, Iglesia komo pueblo di Dios ta e “pueblo simpel i humilde ku ta kana den presensia di Señor”, ku ta “sigur”, i ku ta transmití fe den “dialekto femenino”.

## Vatican News

Mi ta gusta pensa e Iglesia komo pueblo fiel di Dios, santu i pekador, pueblo convocado i yamá ku e forsa di e bienaventuransanan i di Mateo 25.

Hesus, pa su Iglesia, no a asumí ningun di e skemanan polítiko di su tempu: ni fariseonan, ni saduseonan, ni esenionan, ni zelotenan. Ningun “instituto será”; simplemente retoma e tradishon di Israel: “abo lo ta mi pueblo i Ami lo ta Bo Dios”.

Mi ta gusta pensa Iglesia komo e pueblo simpel i humilde ku ta kana den presensia di Señor (e pueblo fiel di Dios). Esaki ta e sentido religioso di nos pueblo fiel. Mi ta bisa pueblo fiel pa no kai den tantu enfoka i skemanan ideológiko ku kua ta “reduzí” e realidat di e pueblo di Dios. Simplemente pueblo fiel, òf tambe, “santu pueblo fiel di Dios” riba kaminada, santu i pekador. I e Iglesia ta esaki.

Un di e karakteristikanan di e pueblo fiel ta su siguridat; sí, e ta *infallible in credendo*. (*In credendo falli nequit*, ta bisa LG 12) *Infabilitas in credendo*. Mi ta splika asina: “ora bo ke sa loke Santa Madre Iglesia ta kere, bai na e Magisterio, pasobra e ta enkargá na siñ’é, pero ora bo ke sa kon Iglesia ta kere, bai na e pueblo fiel.

Ta bini na mi memoria un imágen: e pueblo fiel reuní na entrada di e Katedral di Éfeso. Historia (òf e leyenda) a bisa ku hendenan tabata ám-

bos kant’i e Katedral miéntas e Obispanan den proseshon pa ku su entrada, i ku e koro tabata ripití: “Mama di Dios”, pidiendo e Herarkia ku e deklaró e dògma e bèrdat ku ya nan tabata poseé komo pueblo di Dios. (Algun ta bisa ku nan tabatin palunan den man i ta mustra e Obispanan). Mi no sa si e ta historia òf leyenda, pero e imágen ta bálido.

E pueblo fiel, e santu pueblo fiel di Dios, tin alma, i paso nos por papia di e alma di un pueblo nis por papia di un hermenéutiko, di un manera di bira e realidat, di un konsiensia. Nos pueblo fiel tin konsiensia di su dignidat, ta batisá su yunan, ta dera su mortonan.

E miembronan di e Herarkia nos ta bini di e pueblo ei i nos a risibí fe di e pueblo akí, generalmente dei nos mamnan i nos welanan, “bo mama i bo wela” Pablo ta bisa Timoteo, un fe transmití den dialekto femenino, manera Mama di e Makabeonan ku tabata papia “den dialekto” na su yunan. I aki mi ta gusta suprayá ku, den e Santo pueblo fiel di Dios, e fe ta transmití den dialekto, i generalmente den dialekto femenino. Esaki no ta solamente pasobra Iglesia ta Mama i ta presisamente hendenan muhé ken ta mihó mas refleh’é mihó; (Iglesia ta muhé) sino pasobra ta muhénan ku sa na spera, nan sa na deskubrí e rekursanan di Iglesia, di e pueblo fiel, nan ta riska mas ayá di e límite, kisas ku miedu, pero violento, i den e kontraste di un dia ku ta kuminsá ta aserká na un graf na e instinto (te ainda no speran-

sa) di ku por a algu di bida.

E muhé di e santu pueblo fiel di Dios ta refleho di Iglesia. Iglesia ta femenino, e ta esposa, e ta mama.

Ora ku ministranan ta ek-sedé den su servisio i ta maltratá e pueblo di Dios, nan ta desfigurá e kara di Iglesia ku aktitutnan machista i diktatorial (basta rekordá intervension di Hermana Liliana Franco). Ta doloroso di topa ku algun ofisina parokial “lista di preis” di servisionan sakramental na moda di supermerkado. Òf Iglesia ta e pueblo fiel di Dios riba kamin-

da, santu i pekador, òf e ta terminá siendo un empresa di servisionan variá. I ora e agencianan pastoral ta tuna e di dos kaminda e Iglesia ta kombertí den e supermerkado di salbashon i e saserdotenan lo ta mero empleadonan di un multinashonal. E ta e gran derota ku ta hiba nos na klerikalismo. I esaki ku hopi pena i konfushon (basta bai na e sastrelian- an eklesiástiko den Roma pa mira e konfushon di saserdotenan hóbenan pas sotana i sombrénan òf albanan òf roketenan ku rant).

Klerikalismo ta un suip, e

ta un gòlpi, e ta un forma di mundanidat ku ta susha i dañá kara di esposa di Señor; ta sklavisá e santu pueblo fiel di Dios.

I e pueblo di Dios, e santu pueblo fiel di Dios, ta sigui padilanti ku pasenshi i humildat soportando e despresio, maltrato, marginashon di parti di klerikalismo institushonalisá. I, ku kuantu naturalidat nos ta papia di e prinsipenan di Iglesia, òf di promoshon episkopal komo subi di karera! E horornan di mundu, mundanidat ku ta maltratá e santu pueblo fiel di Dios.

## Materialismo i dignidat humano

Outor: Materialismo i dignidat humano

Si únika mente ta atmití eksistensia di loke ta material, si únika mente tin balor loke ta ser midí pa medio di siensia empíriko ku su aparatonan di presishon, kiko ta keda di e dignidat humano?

Den perspektiva materialista e ideanan di “alma” i di “spiritu” ta karesé di sentido. E ser humano ta ser reduzí, e ora ei, na un realidat kompleho ku no tin ningun karakterístika ekstraordinario ku ta separ’é di otro sernan similar na dje. Su dignidat ta disparsé: e ta bal loke e ta bal segun huisionan variabel, segun suphetividat di ekspertonan, di masa- i di kulturanan.

No sea sorprendí, den e perspektiva materialista, e afirmashonnan di algun científiko. Si no tin alma spiritual, siensia únika mente por konstatá diferensianan notabel entre sernan humano. Si únika mente loke ta material, neuronal i kímiko tin relevansia, e ora ei nos lo topa ku esun ku ta afirmá ku tin ser humano muchu mas “perfekto”, mas desaroyá i mas digno ku otro.

Ta e ora ei ora algun ta ser deklaró “inferior” miéntas otronan ta ser mirá komo “superior”. Ta e ora ei ora ta posibel topa ku personan famoso ku ta defendé rasismo o ku ta konsiderá hende muhé komo inferior respektu di hende hòmer. O ku ta bisa ku tin animal ku tin mucha mas “dignidat” ku loke

un hende malu den estado vegetativo persistente o un yu promé ku e nase tin.

Ta hinka E proyekto “Great Ape” (Grande Simio) den e perspektiva aki. Na promé bista, ta parse ku e proyekto aki ta buska moda di “elevá” chimpansé, orang-oetan i gorilanan na nivel di esnan humano. Den realidat, loke e ta pretendé ta di rebahá hende pa medio di un mentalidat materialista. Si no ta eksistí un alma spiritual i eterno, hende no por ta superior respektu di e animalnan ei ku por tin karakteristikanan similar na nos kalidat.

Na momentu di konsiderá ser humano, dotá di libertat, kapas pa stima, habrí pa bèrdat, deseoso di hustisia, materialismo ta keda na porta, e ta limitá su mes na studia kondishon i presupuestonan nesesarior, pero no sufisiente, pa komprendé nos naturalesa humano.

Filosofia ta pone nos den e perspektiva hustu pa deskubrí i proba dignidat humano. Danki na esaki, nos por mira hende di un moda mas profundo i kompleto. Danki na esaki, nos ta rekordá ku siensia no ta bisa tur kos, ni sikiera di e mundu material.

Nos mester rekonosé, manera Platón o Aristóteles, San Agustín o San Tomás, Pascal o Blondel, ku den kada eksistensia humano ta bría un lus su-

perior, distinto, ku ta elevá nos riba e kondishonnan material di eksistensia. Únika mente si nos akseptá ku nos tin un alma spiritual, lo ta posibel afirmá e dignidat igual di kada ser humano.

Nos no ta inferior o superior ni pa e koló di kueru, ni por e mayor o menor perfekshon di e genoma personal propio, ni pa e sentimeternan kúbiko di e masa serebral, ni pa e kultura o lenga den kua kada ta nase, ni pa plaka riba e kuenta di banko.

Un kriaúra ku no a nase tin e mesun dignidat ku un premio Nobel di medisina. E enfermo di malaria tin e mesun dignidat ku e kampeon di 100 meter lisu. E polis ku ta regla e tráfi-ko na skina di kaya no tin nada pa envidiá na kondishon spiri- tual di e presidente di gobièr- nu o di esun ku a kaba di drenta prizon pa delitonan grave: kometé un asesinato no ta suprimí e kondishon spiri- tual di ningun ser humano.

Superá materialismo lo permití nos bai mas ayá di e posishon- nan rasista ku a provoká tantu doló den historia humano. E lo permití nos, prinsipalmente, komprometé nos mes den e búskeda di un mundu mas hus- tu, mas limpi, mas solidario, mas yen di amor i di alegría, pasobra e lo laga nos respetá i yuda kualquier ser humano den e diferente etapanan di su eksistensia riba tera.

## SELEBRASHON FIESTA DI KRISTU REI 2023

Kuminsandó dia 24 di Novèmber 2023 ku un Santu Sakrifisio di Misa Sor am, sigui ku 40 Ora di Adorashon na Santísimo te dia 25 di Novèmber 2023 10or pm na Misa di Sagrado Kurason di Hesus, Janwé.



**DJADUMINGU 26 DI NOVÈMBER 2023 GRAN SELEBRASHON DI KRISTU REI DI UNIVERSO**

Proseshon lo sali 4or pm for di parkeerplaats di Misa di Sagrado Kurason di Hesus, Janwé i terminá na parkeerplaats di Waagat, unda lo tin e selebrashon 6or pm. Bini ku parokia òf bo grupo.



*EU Desk Curaçao ku curso piloto eksitoso den koperashon ku CITI*

# Introdukshon skirbimentu petishon pa supsidio

**WILLEMSTAD** -- Resientemente EU Desk Curaçao, un departamentu den Ministerio di Desaroyo Ekonómiko (MEO), a organisá un curso titulé

'basenan pa skirbi petishon pa supsidio'. E curso akí a tuma lugá komo un proyekto piloto, den koperashon ku Centrum voor Innovatie en Technologie (CITI).

E fase piloto akí di e curso a konta ku 7 partisipante di diferente organisashon lokal, kende a pasa dor di temanan esensial pa siña mas a fondo

tokante skirbimentu di nan petishonnan pa supsidio, prinsipalmente di fondonan di Union Europeo.

E curso a keda reparti den 4 diferente seshon i bou di guia di un di e konseheronan di EU Desk, Margit de Freitas MBA, e partisipantenan a risibí informashon ekstenso riba temanan manera entre otro introdukshon na skirbimentu di un petishon pa supsidio, investigá i identifiká posibilidatnan di finansiamentu i anáalisis di nesesidat i planeamentu di proyekto.

Na final di e curso, kada kursista tabatin un deskripshon di su propio proyekto pa kua e ta buska finansiamentu i tambe un konsepto di e proposishon pa nan propio petishon di supsidio.

Meta di e curso piloto akí ta pa reforsá organisashonnan lokal ku e konosementu i abilidadnan nesesario pa nan por desaroyá nan propio strategia kon pa hasi petishon pa i atkerí supsidionan. Ku esaki, nan por buska finansiamentu

eksitosamente pa nan proyektonan serka entre otro Union Europeo.

E direktor di EU Desk Curaçao, Vanessa Toré MBA, a hasi entrega di sertifikado na kada partisipante na final di e curso i a enfatisá kon importante ta ku nan a tuma e paso akí pa amplia nan konosementu i krese den e tema akí.

Ku e curso sumamente eksitoso akí, EU Desk Curaçao ta kontinuá su esfuersonan kontinuo pa reforsá nos komunidat pa medio di edukashon i sosten riba tereno di skirbimentu di petishonnan pa supsidio i atkishon di e supsidionan akí.

Pa meimei di luna di desèmber, ta start ku un rònt nobo di e curso i ta e intenshon pa ofresé esaki tambe un par di biá den aña 2024 na mas instansia i empresanan lokal.

Di e forma akí, brindando kapasitashon kada bes na mas persona pa yega na fondonan tantu di Union Europeo komo tambe otro fondonan disponibel.



## App edukashonal pa mucha

**WILLEMSTAD** -- Pepito ta un app edukativo ku ta bai riba tablet òf telefòn rekomendá pa logopodistanan i profeshonalnan den e sektor di enseñansa. E ta pa muchanan entre di 0 pa 6 aña.

Den Pepito tin ehersisionan di koló, figura, number, kurpa,

kara, motóríko, memoria, nòmber di animal, ophetonan i mas na Papiamentu.

Aktualmente tin un problema grandi ku muchanan ta papiando lat i esaki ta pa motibu ku e mayoria material ku tin riba tablet i telefòn aktualmente ta na Ingles, Spañó, òf otro idioma.

Esaki ta buta ku e yu ta kuminsá desaroyá den otro idiomanan mas lihé ku Papiamentu. Konsekuentemente ku sí na kas tur hende ta komuniká den Papiamentu, ta hasié mas difisil pa e yu por interektuá òf komuniká na kas na Papiamentu.





## HULANDA

# Sla duru pa Omtzigt den enkuesta nobo

**DEN HAAG** -- Nieuw Sociaal Contract (NSC) di Pieter Omtzigt den e enkuesta mas nobo di I&O Research, a haña un sla duru. E partido anteriormente tabata pará na kabes di e ofisina di investigashon, pero mester traspasá e posishon akí pa VVD. PvdA/GL tambe ta sak bèk di 24 pa 23 asiento.

NSC un siman promé ku

elekshon ta na 25 asiento. Un siman anterior ainda e tabatin kuater mas, 29 asiento. VVD netamente ta gana un asiento aserka. E partido ta bai di 26 pa 27 asiento i ku esaki ta kue e posishon di liderato. PvdA/GL awor ta pará na 23 en bes di 24 asiento.

Den un otro enkuesta grandi, esun di Ipsos, ya anteriormente a konstatá e

tres tòpnan nobo.

VVD a nota 28 asiento, sigui pa NSC ku 26 asiento i PvdA/GL ku 23.

PVV di Geert Wilders, segun I&O, tabata adelantando. Anteriormente e partido tabata pará riba 18 asiento, awor esaki ta 20.

Ku esaki PVV ta dal e partido di Frans Timmermans un sla duru.



*Dor di pashèntnan ku e vírus RS*

## Kuido intensivo di mucha mas yen ku normal

**HULANDA** -- E seshonnan di kuido di mucha i e seshonnan di kuido intensivo pa mucha den hospitalnan Hulandes, ta yen di mucha ku problema respiratorio serio dor di e vírus RS.

E pik den e kantidat di kontagio, ta bini algu mas anterior ku e añanan anterior.

Mayoria biá e pik di e infekshon ta na desèmber, pero kompará ku mesun periodo di aña pasá, e

kantidat awor ya ta dos biá mas haltu. E vírus RS ta e mas ku ta bini dilanti serka mucha. Tur wenter por mira un pik den e kantidat di kontagio. Segun RIVM, kasi tur mucha bou di dos aña tin di aber ku esaki.



*Probablemente e tin ya un aña den kas*

## Polis ta haña hòmbler morto

**ROTTERDAM** -- Den un kas den e bario Feijenoord na Rotterdam, Polis a haña un hòmbler morto kende probablemente ya tin un aña morto den e kas na Slaghekstraat.

Polis a haña notifikashon di instansianan di ayudo ku

no por a haña kontakto ku e hòmbler mas. Riba esaki e agentenan a disidí di bai tira un bista. Dor di e bentana patras di e kas, e agentenan a mira un hòmbler sin bida drumí riba un sofa. Segun Polis, e tabata den estado avansá di deskomposishon.

Den e kas e agentenan a haña pòst for di novèmber 2022. Mas aleu tabatin hopi korant bieu den e kas. Un bosero di Polis a bisa ku no tin indikashon riba un krímen. Ta sali for di e punto di bista di un morto natural.

## Janny Knol hefe di Polis

**HULANDA** -- Janny Knol ta bira e hefe di Kuerpo di Polis nobo. Gabinete e nombr'é entrante promé di mart otro aña komo sucesor di Henk van Essen, kende na sèptèmber a duna di konosé ku a yega tempu pa entregá e batuta.

Knol di 51 aña pa hopi aña ya ta na Polis. El a kuminsá su karera na 1990 komo agente na Deventer. Despues e tabata entre otro miembro di e guia di unidat na Oost-Nederland i remplasante di hefe di kuerpo na Noord-Nederland.

Desde febrüari e ta

hefe di Polis na Oost-Nederland. Hefe di kuerpo ta e funshon di mas haltu di Polis na Hulanda. E funshon ta eksistí desde e formashon di Polis Nashonal na 2013 i Knol tabata e promé muhé ku a okupá e funshon akí. Minister demishionario Yesilgöz ta yama Knol un persona ku konosé e trabou di Polis bon i banda di esei tin hopi eksperensia. “Mi tin tur konfiansa den dje ku e por manehá i duna enkargonan grandi di e añanan ku ta bini i por realisá e strategia di Polis.”





## ARUBA

# WEB ta investiga keho riba calidad di awa

**ORANJESTAD** -- WEB Aruba NV a tuma nota di informacionnan cu a keda publica den prensa online tocante posibel awa cu lo a sali troebel y cu color cu no ta normal for di tuberia di un cas y tambe di caso di awa cu lo ta

smaak brak. WEB ta tuma kehonan masha serio.

Salud y bienestar di nos clientenan ta nos prioridad principal. Inmediatamente nos personal specialisa a forma un team pa bay haci investigacion.

Na Primavera a bin

constata cu na un cas tin trabaonan andando pa cambia tuberia. A papia cu e personanan na e percela y a bin compronde cu nan ta cambiando e tuberia di e cas di tubonan di koper pa tubonan hdpe (PVC flexibel) y cu ta nan mes a

bay media.

Nos personal a splica e personanan cu na momento cu ta cambia tuberia, bo por haya e efecto cu e awa despues ta sali temporalmente cu color troebel. Den trabaonan cu tuberia esaki ta conoci como "Water Flushing". Sedimentonan of mineralnan acumula den e tuberia anterior por a sacudi of move durante trabaonan y por cambia e color di awa temporalmente. Esaki por sosode tambe ora cu tin

trilling di e suelo ora cu den vecindario di e tubonan tin construccion of cobamento andando. E team di WEB a recomenda e persona pa despues cu e caba di haci tur e cambio di tuberia, pa laga e awa core pa flush out e sistema y si e awa no claria y bira transparente normal e por yama WEB pa bin dune asistencia.

Den caso di cualke irregularidad di awa na bo propiedad, ta importante pa notifica WEB inmediatamente.



## Scol Preparatorio Tarcisius a cumpli 70 aña di existencia

**ORANJESTAD** -- Diahuebs Scol Preparatorio Tarcisius ta cumpli 70 aña di existencia. Prome Minister Evelyn Wever-Croes tabata presente na e celebracion special aki, pa den nomber di Minister di Enseñansa Endy Croes, felicita y gradici tur esnan cu a, y ta labora na e scol, cu 70 aña di amor y dedicacion na nos muchanan.

Prome Minister a indica cu e trabou di tur esnan den enseñansa

ta uno grandi, y di aprecia, mirando cu nan ta esunnan, cu tin un influencia grandi, riba desaroyo di nos hobennan. E muchanan ta wordo inspira door di e maestronan aki, pa siña, pa mayan nan por tin un miho futuro. E ta un orguyo di por wak bek cuanto alumno a bishita e scol aki durante tur e 70 añanan, y di sa cu hopi awe, tin un bon educacion y futuro stabiel.

Prome Minister tambe tabata tin e oportunidad

di combersa cu e cabesante actual Juffrouw Angela Romero, y cu e ex cabesante cu tabata Juffrouw Monica. El a gradicinan pa tur nan esfuerzo y dedicacion, pa cu educacion di nos muchanan.

Cabesante di scol, juffrouw Angela Romero, na su turno a gradici Prome Minister pa asisti na e celebracion importante aki, na unda e muchanan a haci un presentacion, cu nan a prepara cu hopi amor,

hunto cu nan maestronan. Juffrouw Romero tambe a gradici tur esnan cu tabata presente, y e maestronan cu semper a duna tur di nan banda pa educa e muchanan, y den e caso di awe mainta, a train nan pa duna un excelente presentacion. Tambe, el a gradicinan pa tur e 70

aña, cu un trayectoria bunita di educacion, amor, cuido, y di norma y valor, cu tin tras di lomba. Juffrouw Romero a despidi, sigurando tur presente cu nan lo sigui traha sigur pa 70 aña mas, cu hopi amor y dedicacion na educacion di tur e muchanan.





**ARUBA**

# Nombramento Director nobo di Arubahuis no a cay bon

**ORANJESTAD** – For di momento cu Gabinete Wever-Croes II pa medio di Prome Minister Evelyn Wever-Croes a anuncia cu despues di un proceso di reclutacion pa haya un candidato adecuado y capacita pa ocupa e posicion di Arubahuis na Hulanda, a bay over na anuncia cu Joselin Barroso Croes lo bay ocupa e puesto aki cuminsando for di dia 1 di December 2023, cu ta aki 14 dia.

Prome Minister a muestra cu gobierno a sigui un

proceso pa haya candidato y a reuni cu tur esunnan cu a solicita pa finalmente yega na e conclusion di sra Barroso Croes, ta e candidato mas adecua y capacita pa ocupa e puesto aki. Hopi hende ta kere cu sin duda Joselin ta un persona capacita pa dirigi Arubahuis, pero no ta contento cu a bolbe nombra un persona cu ta liga na politica y kende tin un pasado politico y ya su persona a wordo nombra den e puesto di Minister Plenipotenciario,

“voorgedragen” pa un di e dos partidonan politico di coalicion.

Loke ta impresionante di e decision aki di Gabinete Wever Croes II pa nombra Joselin den e puesto nobo aki na Arubahuis, ta e hecho cu su persona lo baha cu retiro como Minister Plenipotenciario na Washington pa bay Hulanda un dia despues pa asumi e posicion di director.

Mientras cu Prome Minister a muestra cu a scucha varios candidato, tin un sentimento cu e proceso

no a cana manera e mester a cana y cu gobierno kier a pone un persona cu lo por atende cu e investigacion cu su persona mes a pidi pa wordo haci cu maneho di Arubahuis. Hopi hoben ku a termina cu nan estudio, kendenan a keda cu debe grandi pa paga di esaki, ta capacita pa ocupa e puesto aki, pero e hecho cu kisas nan no ta liga na ningun partido den gobierno, ta pone cu e oportunidad aki no ta habri pa nan pero pa un persona cu tin laso politico di e partidonan den

gobierno.

E credibilidad di Joselin ta for di discusion pero su nombramento a cana e mesun canal di e politica tradicional cu ta existi aki na Aruba loke ta evita cu hopi hoben y adultonan bon studia y kisas hasta mas capacita pa un posicion asina, nunca lo haya e oportunidad aki, loke en parti ta splica di con hopi hoben cu caba cu nan estudio specialisa na Hulanda, no kier regresa nan pais ya cu gobierno mes ta limita esakinan.

*Colegio Laura Wernet-Paskel ta otro scol ganador*

## Proyecto di innovacion di edutech ta haciendo un diferencia grandi den enseñansa

**ORANJESTAD** - Diahuebs mainta, Prome Minister Evelyn Wever-Croes a bishita Colegio Laura Wernet-Paskel, pa asina mira con e inversionnan di e proyecto cu nan a gana di Edutech ta wordo uza. Prome Minister a expresa di a keda sumamente impresiona di mira con e muchanan di zesde klas ta haci uzo di e 25 chromebooksnan cu nan a haya. Ya caba nan a logra haci nan prome spreekbeurt riba topiconan hopi

interesante, na unda cu nan mes a prepare, y a busca e informacion cu nan tabata tin mester. Esaki sigur ta un muestra cu e materialnan aki ta duna nan e posibilidad pa nan sigui traha riba loke ta interesa nan.

Tambe, Prome Minister tabata tin e oportunidad di bishita e muchanan di derde klas, y a mira e

entusiasmo di cada un di nan, y di nan docente, pa traha cu e 25 tabletsnan cu nan a gana. Sigur un sentimento di satisfacion

pa wak cu e proyecto aki ta dunando su fruto pa loke ta educacion di e muchanan. Por ultimo, Prome Minister tambe a aprecia, con e muchanan di eerste, tweede, y Prisma Klas, ta traha cu e 4 digiboardsnan cu nan a haya. E entusiasmo di e muchanan pa haya les, y di e docentenan pa duna les ta grandi, y ta algo cu Gobierno lo desea di wak den tur scol.

Prome Minister ta felicita cabezante di scol, juffrouw Eta Geerman y ful e staff di Colegio

Laura Wernet-Paskel pa tur loke nan a haci, pa mehora tur loke nan por a mehora, na infraestructura y digitalisacion. Pero lo mas principal ta di wak con contento, entusiasmo y agradecido e muchanan ta cu e materialnan nobo aki.

Na su turno, cabezante di scol, juffrouw Eta Geerman a expresa di ta contento cu e bishita di Prome Minister, pa asina por mustre tur loke e scol a haya, y con importante e materialnan aki ta pa enseñansa. Tambe el a gradici Futura, pa bin cu un proyecto asina importante, dunando posibilidad na e scolnan pa haya e materialnan digital cu nan mester. El

a splica cu e materialnan aki, tin e muchanan mas motiva, y pa e docentenan, nan ta haci e dunamento di les mas placentero. Tambe el a indica cu e satisfacion pa wak e muchanan asina ta grandi, y cu nan ta contento di por muestra Prome Minister y Futura, con bon nan ta uza tur loke nan a haya. Juffrouw Eta ta gradici Gobierno di Aruba, y Futura, y ta spera cu e proyecto aki sigui pa hopi aña mas, pa asina por yuda mas scol. Tambe e ta conseha tur scol pa inverti nan tempo den e proyecto aki pa asina nan tambe por haya e materialnan necesario, elevando asina e nivel di duna y haya les





STATIA/SABA/ST. MAARTEN

# Van Huffelen na Saba

**THE BOTTOM** -- Despues di Boneiru, Sekretario di Estado, Alexandra van Huffelen, a bishitá Saba. Un momentu importante di e bishita di trabou, tabata e firmamentu di e akuerdo atministrativo ku Saba i Sint Eustatius.

Na Saba, e sekretario di estado i Diputado Eviton Heyliger, a firma

un karta di intenshon, ku ta enserá akuerdo tokante konstrukshon di kasnan pagabel riba e isla. Te ku 2023 ta bai konstruí 50 kas nobo di hür sosial i pagabel.

Un bishita na e sitio na unda e haf nobo di Black Rock mester bini i kombersashon ku empresarionan chikí, tambe tabata riba e agènda.





## DEPORTE

*Pa reforsá Turtles Academy di Kòrsou*

## Dos refuerso di Boneiru a biaha pa Sto. Domingo

**KRALENDIJK**--Ayer mainta e dos resfuersonan di Boneiru pa ku selekshon di Kòrsou, esaki pa e próksimo compromiso di Kòrsou, a biaha pa djòin e selekshon di Kòrsou pa e compromiso den e deporte di beisbòl na Sto. Domingo.

E dos refuersonan di Boneiru pa ku e selekshon di Kòrsou den entrevista ku nos tabatin ku nan siman pasá, a musta di ta kla i bon prepará pa reforsá e selekshon di Kòrsou ku ta bai pa e kompromisonan.

E dos refuersonan

boneriano den entrevista ku nos tabatin ku nan, a bisa ku nan ta bon prepará pa e compromiso ku nan ta bai p'e.

Nan a prepará nan mes bon sigur pa ku e compromiso huntu ku Kòrsou. E dos hóbennan beisbolista di Boneiru a

biaha djabièrnè mainta huntu ku nan coach Jonathan Martijn pa Kòrsou.

Na Kòrsou nan a djòin e selekshon di Kòrsou pa sigui pa Panamá pa despues sigui pa Sto. Domingo.

E dos hungadónan di Boneiru ku ta biaha ta Ixahir

Oleana ku ta outfielder, huntu ku Jadier Polonio ku ta infielder.

Nan ta kla pa duna un bon prestashon aya na Pimentel International representando Turtles Academy di Kòrsou.



*Riba potrèt e refuersonan di Boneiru.*

## Kambio den skema futbòl hubenil

**KRALENDIJK** -Di akuerdo ku e informashonnan di futbòl hubenil di nos isla, a drenta algun petishon di ekiponan, loke ta trese kuné ku KFHB tin ku hasi kambionan na e skèdjel aktual di futbòl hubenil.

Djabièrnè último e wega U17 Flamingo vs Real Rincon a keda posponé te

ku un otro fecha.

Lo publiká esaki otro siman den e skèdjel kompleto.

Djadumingu den kategoria U11A e ekipo di ATC lo enfrentá Titans i no Red Stars.

Ku esaki e komishon di futbòl hubenil ta spera di a informá ekiponan debidamente.

*Debí na komportashon indeseá serka Ajax*

## Marc Overmars suspendé pa un año

**KRALENDIJK/HULANDA** – E instituto di derecho di deporte, ISR, a suspendé e anterior direktor di Ajax, Marc Overmars, un año debí na komportashon indeseá. Riba esaki ta bini tambe un año kondishonal aserka, ku un tempu di prueba di dos año.

ISR a konkluí ku Overmars a violá e reglamento di intimidashon seksual. E suspenshon ta nifiká ku pa un año largu e no por ehersé su funshon dentro di KNVB i e organisashonnan konektá. Su trabounan aktual na Bélgika, e ta direktor tékniko di Royal

Antwerp FC, e por sigui ehersé.

E veredikto ta relashoná ku un trahadó femenino di Ajax, kende dia 26 di yanüari año pasá e mèldu su mes serka serka direktor general, Edwin van der Sar, ku señalnan tokante komportashon seksual indeseá dor di Overmars.

Un abogado ku e klup involukrá, a hasi investigashon mas aleu. El a haña mas di 300 página ku mensahe di Whatsapp di Overmars, kende durante e periodo di tres año i mei tabata pa gran parti ku tinta seksual, a sali na kla for di e veredikto públiko djaweps.

Na inisio di febrüari año pasá, Alax a konfrontá

Overmans ku e resultadonan. E tabata konsiente di su echonan, segun e denunsia hasi dor di Ajax. El a rekonosé ku tabatin komportashon seksual indeseá i ketu bai a pensa ku e víktima no a eksperensiá esaki komo no deseá.

Den un reakshon por eskrito na ISR, Overmans a indiká: “P’esei tur e tempu mi a sali for di e punto di bista ku tabatin menshon di aseptashon di tur dos banda.”

Segun e notifikashon di Ajax, Overmans a aserká 10 te 15 muhé ku mensahenan di pronóstiko seksual òf mensahe ku tinta seksual.





# BONEIRU - Ántes i awor

Teksto: Bòl Antoin-Fotografia: Joëla Kroonstadt

## Plasa Machi Mimi

Plasa Machi Mimi ta un dje edifisionan ku ta hala mas atenshon na kosta di Kralendijk. E ta pará na e sitio aki desde 1935, komo lugá na unda tabata bende piská. Dominga Evertsz, kariñosamente yamá Machi Mimi, su nòmber ta mará na e edifisio aki, p'esei tambe e ta karga su nòmber. Gezaghebber Richard (Hensi) Beaujon a laga traha e edifisio aki den arkitektura romano. Promé ku esaki tabatin un lugá di bende piská na un manera improvisá na e sitio na unda Zeezicht Bar Restaurant ta situá aktualmente. Famia piskadó Engelhardt tabata bende piská na e sitio aki. Plasa ta kategorisá komo monumento. Na 2013-2014 a restorá e edifisio aki kompletamente. Piskadónan tabata trese piská pa bende na Playa. Machi Mimi tabata mocha e piskánan i bende ku públiko. Plasa tabata un lugá di enkuentro importante pa hendenan di Boneiru ántes. Aki tabata pasa tambe notisia den tempu ku no tabatin radio ni televishon, ku solamente e korant La Cruz tabata sirkulá serka e pueblo ku tabata lesa papiamentu. No solamente Machi Mimi a bende piská bou di Playa. Un otro bendedó di piská konosí tabata Bèchi Soliana, kasá di Candi.



LG 13 Kg Automatic Washing Machine

**\$525**

INVERTER



0.9 Cuft. B&D Microwave

**\$119**



15 Cuft. Frigidaire Fridge w/ Water Dispenser

**\$839**

INVERTER



CityShop

Smart shopping ► Better living

END of  
**YE  
AR**



Air Fryer w/  
Spinning Basket

SPECIAL PRICE

**\$145**



Kaya International #36



717.3666



700.6442



CityShopBonaire